


5385

ՆՈՐԱՀԱՅՏ ՊԱՇՏԱՍՈՒՆՔԱՅԻՆ ԿՈԹՈՂՆԵՐ ԳԵՂԱՄԱ ԼԵՌՆԵՐԻՑ

Դեռևս 1909 թ. Գեղամա լեռներում շրջագայելու ժամանակ ռուս լականավոր հնագետներ Ն. Յա. Մառ և Յա. Ի. Սմիրնովը հայտնաբերեցին պաշտամունքային մի շարք կոթողներ, որոնք ինչպես տեղի բնակիչներին, այնպես էլ գիտական աշխարհին ծանոթ են ավիզասյունք անունով:

Ն. Մառ և Յա. Սմիրնովի հրատարակած աշխատությունը՝ «Ավիզասյունք» մասին իր ժամանակին մեծ ազդուկ բարձրացրեց գիտնականների շրջանում:

Հետագայի բոլոր ուսումնասիրողներն, (բացառությամբ Բ. Բ. Պիոտրովսկու² առանց տեսնելու այդ կոթողները, հանդիս եկան միանգամայն տարբեր կարծիքներով, իրենց հերթին զարգացնելով մի շարք տեսություններ³:




Նկ. 1

Ինչպես հայտնի է Գեղամա, հետագայում և Արագածի լեռներում հայտնաբերված ձկնակերպ ու քառակող, բարձրաքանդակներով զարդարված այս պաշտամունքային կոթողները Հայկական լեռնաշխարհից դուրս այլ զուգահեռներ համարյա չունեն: Այդ իսկ պատճառով էլ հայ հնագիտության համար առանձնակի հետաքրքրություն և գիտական արժեք է ներկայացնում վերոհիշյալ հուշարձանների ուսումնասիրումը, հատկապես նրանց թվագրության պարզաբանումը:


¹ Н. Я. Марр и Я. И. Смирнов. Вишапы, Труды Гос. Акад. Истор. материальной культуры, т. I, 1931; Նույնի՝ Les Vichaps, Leningrad, 1931.

² Б. Б. Пиотровский, Вишапы, Ленинград, 1939.

³ Մ. Արևիճյան, «Ավիզասյունք» կոչված կոթողներն իրրև Աստղիկ-Դերկեսոո գիցու արձաններ, Երևան, 1941; Գր. Капанцян, О каменных стелах на горах Армені, Ереван, 1952; В. А. Миханкова, Вишапы, Сообщение ГАИМК, 1931, № 9.



Նկ. 2




Նկ. 3

Նկ. 4

1963 թ. սեպտեմբերին Հայկական ՍՍՌ ԳԱ հնագիտության և ազդագրության ինստիտուտի հնագիտական-հետախուզական արշավախումբը մեր մասնակցությամբ նորից եղավ Գեղամա լեռներում, մասնավորապես այն վայրերում, որտեղ գտնվում էին Ն. Մառի և Յա. Սմիրնովի կողմից հայտնաբերված կոթողները (Գառնի գյուղից արևելք)։

Ձկնակերպ և քառակող այդ կոթողները հիմնականում գտնվում են բարձրագույն վայրերում, որոնք հայտնի են Աժդահա-յուրտ, Թոխմախան-գյուղ (կամ Վանքի գյուղ), Գյուլ-յուրտ, Իմիրզեկ անուններով։



Նկ. 1

Մեր հետախուզական շրջագայությունների շնորհիվ հաջողվեց հայտնաբերել ևս հինգ նոր կոթողներ, որոնք չէին տեսել Ն. Մառի և Յա. Սմիրնովի, Ինչպես նախկինում հայտնի, այնպես էլ նորահայտ այդ կոթողները պատրաստված են լայն մոխրագույն քարից և անդեզիտից։

Մեր նպատակն է այստեղ միայն հրապարակել այդ նորահայտ հուշարձանները, առանց որևէ մեկնության և նախնական դիտողության։ Կոթողներից երկուսը հայտնաբերվել են Թոխմախան լճի հատակից, շինարարական աշխատանքների ժամանակ (նկ. 1)։

Հուշարձաններից առաջինը 2,5 մ. բարձրությամբ, 80 սմ լայնությամբ և 22 սմ հաստությամբ բար է, որն իր վրա կրում է հարթ, պլանիտիվ բանդակագործության դրոշմ։ Քարի վրա ի բարձրաքանդակը նվիրված է եզան պաշտամունքին։ Պարզորոշ երևում են եզան գլուխը առաջին ոտքերը, քանդակագործին հաջողվել է պարզ հնարներով տալ եզան գլխի ընդհանուր գծային պատկերը, նրա առանձին մանրամասներով։ Եզան ճակատից իջնում է կոր պողպի իսկ նրանց վերևում՝ ականջները և վիզը։ Եզան ողջ պատկերը խմսատավորում են ականափոփ ներքի, ունեղը և բերանը։

Թոխմախան լճից հայտնաբերված մյուս հուշարձանը ձկնակերպ կոթող է մոխրագույն քարից, լայն ունի 3,40 մ. երկարություն, 70—25 սմ լայնություն։ Կոթողի վրա շատ լավ է վրում են ձկան բերանը, աչքերը և խոռիկները։ Առանձնակի հետաքրքրություն են ներկայացնում Աժդահա-յուրտից 4 կմ հեռավորության վրա Իավագյուղ-յուրտ կոչվող վայրում գտնվող և միանման քառակող կոթողները, որոնց վրայի բարձրաքանդակները ցավոք սրտի ոչնչացված (նկ. 2)։ Կոթողներից մեկն ունի 3,90 մ. երկարություն, 1 մ—90 սմ լայնություն և 50 սմ

տուրան, իսկ մյուսը՝ 2,35 մ. երկարություն, 70—60 սմ լայնություն, 30 սմ հաստություն։ Առաջինի վրա բանդակված է եզան գլուխը, ընդհանուր, սխեմատիկ զծագրությամբ պատկերված են եզան դուրս ցցված ականխողողները, ականջները, պոզերը, ճակատը և ծնոտը։ Նրկրորդ կոթողի վրայի բարձրաքանդակը խիստ բայրաված է, սակայն պատկերի զծագրությունը հնարավորություն է տալիս ասելու, որ այս հուշարձանը ևս իմաստավորում է եզան պաշտամունքը։

Մեկ այլ հուշարձան, կապված չրի պաշտամունքի հետ, հայտնաբերվեց Խմիբղեկից ոչ շատ հեռու, Բզովանի-յուրտի (Արտաշատի շրջանի Բզովան գյուղի ամառային արտատեղի) շրջակայքում, Բարա-փարի կոչվող վայրում (նկ. 3)։ Այս կոթողը բազալտե մի հսկայական ձուկ է, 5,20 սմ երկարությամբ, 90—50 սմ լայնությամբ, 2,25 սմ. շրջագծով։ Ձուկը բանդակված է իր քուրք մանրամասներով։ Նրա վրա երևում են բարձրաքանդակ բերանը, աչքերը, խոիկները, թևփուկները և լողանները։

Մենք այստեղ ցանկանում ենք կսնգ առնել նաև մեկ այլ հուշարձանի նկարագրության վրա, որը հայտնաբերել էին Ն. Մառը և Յա. Սմիրնովը Աժդահա-յուրտում։ Այդ մի քառակող կոթող է, որի երկու լայն մասերում կան եզ պատկերող բարձրաքանդակներ։ Ն. Մառը և Յա. Սմիրնովը հրապարակել են կոթողի վրայի միայն մեկ բարձրաքանդակ պատկերը, այն էլ ոչ ամբողջովին⁴։ Ըստ երևույթին կոթողն այն ժամանակ ոչ թե կողքի է ընկած եղել, ինչպես հիմա, այլ մեջքի վրա, և նրանք մեկ երեսը գննելով շեն ենթադրել մյուս երեսի բարձրաքանդակի գոյության մասին։

Կոթողի մանրամասն զննումը հնարավորություն տվեց վերականգնելու երկու բարձրաքանդակներն էլ ամբողջովին։ Կոթողն ունի 2,5 մ. բարձրություն, 1 մ—70 սմ. լայնություն, 47 սմ. հաստություն։ Նրկու պատկերներն էլ նվիրված են եզան պաշտամունքին։ Բարձրաքանդակներից առաջինի վրա երևում են եզան գլուխը, ականջները, վիզը, պոզերը, աչքերը, ունգը և առաջին ոտները։ Նրկրորդ բարձրաքանդակը պատկերում է եզն ամբողջովին, սակայն ընդհանուր զծագրությամբ։ Եզը պատկերված է միայն գլխով, պոզերով, առաջին ոտներով, իրանի հիմնական (այն էլ ուռուցիկ) մասով և պոչով (նկ. 4), և 4-ը)։

Ահա սրանք են Նորահայտ պաշտամունքային կոթողները, որոնց տեսմանսիրությունը անշուշտ գիտական մեծ կարևորություն է ներկայացնում։ Մեզ մնում է միայն ամսագրի միջոցով արտահայտել մեկ ջերմ ցանկություն՝ փրկել Գեղամա, ինչպես և Արագածի լեռներում գտնվող այս հուշարձանները, որոնք կարող են կորսության մատնվել։

Լ. Ա. Բաբեղյան
Ժ. Դ. Խաչատրյան
Ա. Ա. Քալանթարյան

Л. А. Барсегян, Ж. Д. Хачатрян, А. А. Калантарян

НОВОНАЙДЕННЫЕ КУЛЬТОВЫЕ СТЕЛЫ НА ГЕГАМСКИХ ГОРАХ

Р е з ю м е

Еще в 1909 г. Н. Я. Марром и Я. И. Смирновым на Гегамских горах были обнаружены каменные стелы, получившие в специальной литературе название вишапов. Впоследствии ряд исследователей (кроме Б. Б. Пиотровского) изучил их, не видя самих памятников.

В 1963 г. авторы настоящей статьи побывали в указанных горах, где они нашли пять новых вишапов, три из которых обнаружены на дне озера Тохмах (рис. 1, 2), остальные в местности Бзован-Аждага-юрт (рис. 3, 4).

Целью настоящей статьи является публикация новых материалов для дальнейшего изучения.

⁴ N. Marr et J. Smirnov, Les Vichaps, Leningrad, 1931, էջ 65։